

欽定剿平三省邪匪方略

欽定剿平三省邪匪方略正編卷二百五十七

辛酉年

五月二十日

乙未

額勒登保奏言查冉逆於初一

日由石泉之筒車壩青龍寨南竄總兵胡定泰

在王黑壩防堵卽帶兵於兩河迎截該匪聞風

又由艾峪溝竄至蕭家壩入紫陽地界初二日

楊遇春格布舍等帶兵由麻柳壩等處蹣跚而

進

臣

因該匪狡猾過甚復將親帶兵勇擇其精

勁者撥交札克塔爾及副將楊芳等帶領與楊  
遇春等一同追剿亦卽帶侍衛安福副將王  
兆夢劉瑞率領兵勇由王黑壩大石川出觀音  
堂以備賊匪轉而向西迎頭截殺該匪知數面  
皆兵又思渡江東竄於初三日至王家臺竟欲  
直撲瓦房店營卡徑趨江岸總兵汪啟協領德  
勒格爾得信於雨中帶滿漢官兵出卡迎擊斃

賊五十餘人賊匪翻山南竄赴雞鳴坡一帶楊  
遇春札克塔爾格布舍等於初四日由碾子垵  
混人坪牛角園芭蕉口兩路趕剿探得賊匪因  
大兵緊躡刻不停留於初五日午間竄至仁河  
值河水雨後陡漲騎馬之賊浮水而過其步行  
之賊用布彼此牽拽跼水尙有未過餘匪見我  
兵趕至山梁倉猝搶過山水猛湧隨流漂沒者

一百餘人前隊官弁兵勇已馳至河干水勢未  
消不能躍越連夜砍伐木植搭造浮橋初六日  
黎明官兵全過由月池溝葛藤垭盡力追逐初  
七日至別街子金山梁等處拏獲賊探詢知該  
匪等聞官兵到來冉學勝已於天池山上林箐  
深密之處設伏以待官軍楊遇春札克塔爾格  
布金等知其詭計各帶將弁兵勇分三路進攻

將抵半山果有伏賊從山凹林中突出兵勇均有準備分佔山梁斃賊數十人賊遂退卻山頂佔據官兵舊紮營卡格布舍桑吉斯塔爾帶領侍衛馬隊由左抄赴賊後步隊官兵奮力搶上內有騎馬執旗之賊勢極兇猛經兵勇極力撲殺該匪受傷被擒同時并捉獲矛手十數人賊遂四竄楊遇春札克塔爾格布舍帶同總兵張

鳳副將應元寬楊芳等分路追殺趕過數重大山約有四五十里賊匪半將騾馬拋棄爬越荒山分遁統計此次殺賊三百餘名生擒五十四名奪獲騾馬二百餘匹鎗矛包裹不少當將所獲騎馬執旗之賊嚴加鞫訊據供名陳學文係冉學勝手下副元帥因被官兵緊追商量仗此騾馬從江北由鎮安往河南去不料處處均有

官兵連日過水在山中奔逃牲口漸少只可在  
紫陽安康大山內躲避游奕乘空東逃楊遇春  
等當將該犯及拏獲頭目王雄探馬頭陳心志  
一併凌遲其餘所獲矛手均卽正法是日該匪  
由木蓮橋硯河分竄楊遇春札克塔爾等已緊  
追前進臣由高灘全河口周家壩緊顧西南旋  
探旋進於初八日趕抵山梁專差飛催楊遇春



札克塔爾乘賊匪敗潰務期盡力一鼓掃除不  
可稍予以暇又疊據慶溥喜明馬玉魁柯藩景  
報龍紹周股匪於日前竄入平利由香河竄至  
八道河大平河一帶慶溥馬玉魁帶兵進剿於  
二十六日趕抵八道河探得龍逆股匪尙在該  
處山梁屯紮慶溥馬玉魁帶兵分左右路進剿  
賊匪下壓我兵奮力抵敵斃賊數十名該匪復

分出四五百人由山溝小徑突出官兵之柵慶  
溥等密令副將國興阿等帶兵迎擊立斃賊匪  
八九十人餘匪潰竄山上之賊亦卽退走慶溥  
等率兵乘勢搶上山梁分路追趕沿途復斬獲  
五千餘名時已薄暮我兵紮營該匪於三更時  
前來撲卡官兵於黑暗中力禦將賊擊退該匪  
仍於八道河山林內竄匿

臣

飭令慶溥等緊剿

不許使其東竄

臣

現紮金山梁地方距八道河

六道河斑鳩關磚坪等處均不過二百餘里并

聞牛蹄西鋪板廟子亦尙有王姓曾姓等零股

出沒

臣

於金山梁一帶不惟可以爲楊遇春等

策應并可督飭慶溥等剿辦遇各股賊匪竄近

亦可隨時剿殺

臣

帶兵雖屬不多而就近防堵

之兵皆可調用亦無虞單薄至穆克登布等所

剿之伍懷志股匪日前又由撫西竄入棧東穆克登布率師分路追剿得有斬獲惟總因深山險阻路徑紛歧未得痛剿二十七日賊匪竄至進口關穆克登布豐紳等於魯家巖等處趕上賊尾立斃數十人生擒賊匪三十餘人內有頭目高尙達一名賊匪由磨房溝遁去穆克登布等先派有副將游棟雲在彼攔截見賊竄來卽

帶兵迎擊斬獲十數人該匪因後有追兵搶上  
旁面山梁穆克登布等遂與游棟雲合兵追剿  
又計殺賊百餘名生擒二百餘名內有賊目陸  
南圖鄧思原二名當卽分別凌遲正法并據穆  
克登布等聲稱此次擒殺四百餘名現在該匪  
約剩不過千數人再得一二次痛仗可期剿竣  
臣現復飭令該鎮等趕緊剿辦又據成縣署陽

一帶地方官稟報高二餘匪七八百人現竄至  
成畧交界之白楊埡等處查該匪人數本已無  
多有長麟同蕭福祿并將弁兵勇緊追自不至  
延蔓但該匪已竄近畧陽或由沔寧向東南竄  
逃均未可定臣已飛飭在黃官嶺防守之革任  
總兵德忠察探賊蹤與長麟夾擊再德楞泰聞  
自過江以後疊獲勝仗餘匪被剿四散德楞泰

尙在安康洵陽漢陰地界剿辦臣前經派令慶

成帶兵赴寧陝五郎關一帶截擊茲據報聞德

楞泰所剿各賊內有由漢陰之龍王溝鐵爐壩

昌坪竄逃之信慶成現已馳往自必探明迎頭

剿辦或與德楞泰併力截擊並據洵陽縣嚴如

煜稟報陳朝觀股匪經德楞泰於白河地界剿

殺後該首逆逃至洵陽經該縣裕忻寨寨民捉

獲正欲解送間有賊衆前來將該寨圍住該寨  
民等恐有疎失遂將陳朝觀殺死已將首級解  
縣復有張古寨寨民拏獲賊匪陳朝榮一名訊  
係陳朝觀堂弟遂將首級令其辨認屬實臣查  
此一帶地方修築堡寨事宜已將完竣當此賊  
匪分竄之際各該寨民如能協力搜捕各該匪  
更不能漏網臣現在確查如果首逆陳朝觀被



殺屬實卽當分別優加獎賞以示鼓勵再此次  
楊遇春等一路有侍衛墨新頸帶矛傷不重兵  
勇亦傷亡數名容另查明咨部辦理

額勒登保又奏言查副都統額勒亨額向於紫  
陽瓦房店一帶領兵防堵該員屢受濕潮染患  
傷寒病症始猶勉強支持乃傷寒未愈於四月  
初間復轉痢疾

臣

於接信後卽囑該副都統將

股連獲勝仗亦已逼過漢南由西鄉之深溪河一帶進發距額勒登保大營不遠聲勢聯絡更可收兩面夾擊之效至額勒登保奏現在金山梁駐營所帶官兵不多卽將就近防堵之兵調用等語陝省留防兵丁節經額勒登保等奏稱分段設卡派員堵禦及至設卡之後而賊匪往來奔突仍復自如從未見有留防兵丁堵禦賊匪之事是防兵之

有名無實已可概見與其將有用之兵置之閒地  
莫若酌量撤回歸入戰兵以資剿賊之用但臨時  
調用究不若將防守可撤者悉令隨營多多益善  
並可更番休息至額勒登保奏將吉林患病兵丁  
遣回一節自應如此辦理朕於各路征兵時深慮  
念不獨吉林索倫勁旅當加愛惜卽由京派去之  
滿洲各省駐防及綠營官兵久歷戎行同殷敵愾

豈容稍有歧視自應一體量爲減撤遣歸以示體卹且簡其精銳正所以振作士氣並非爲節省錢糧起見額勒登保接奉此旨卽轉飭各路軍營查現在傷病兵丁不能卽時調愈者及兄弟數人同時出征中有一二傷亡而其家更無弟兄者著先行撤歸俾人知感勵若假稱患病或受傷本輕而行撤歸節以爲不能卽時調愈又家中本尙有餘貲點情節以爲不能卽時調愈又家中本尙有餘

丁而捏報已無弟兄者亦須確切查明如有此等情弊必當重治其罪現在天氣暑熱賊匪等奔走自形疲憊官兵正可趁此機會上緊掩殺斷不可予賊以暇雖盛暑行軍朕亦不忍過於催促但當此剿捕喫緊之際若稍有遲緩必致多延時日轉瞬卽屆秋冬官兵久勞於外何如及早蕝事凱旋休暇乎况用兵日久不但被賊地方生靈荼毒卽

官兵得有勝仗亦不免間有傷亡其節年殲斃賊  
匪雖係罪由自取而慘殺亦屬可矜朕每念及此  
寢饋靡寧刻深憫惻帶兵大員當仰體朕懷同心  
併力迅勉圖功及早歲事計此時賊股漸已稀少  
果能將兵力合併斷無不能殲賊淨盡之理帶兵  
大員等總當共矢天良互爲策應剿捕有功朕必  
立加恩獎卽如前日德楞泰逼剿徐樊二逆經劉

之仁雒昂帶兵從山內突出殺賊多名該匪等不能竄入南山而慶成復帶兵迎頭截擊多有斬獲此次勝仗自屬慶成劉之仁雒昂之功朕是以將伊三人交部議敘而德楞泰轉未加優獎可見有功必錄無論何人出力朕從不靳恩賞當此功屆垂成不可稍存觀望也又據摺內稱伍懷志一股賊匪經穆克登布等在魯家岩磨房溝一帶連次

接仗殲斃賊匪四百餘名所剩餘匪無多再得一  
二勝仗即可剿竣等語額勒登保務須飭令穆克  
登布迅速掃蕩勿再稽延至高二餘匪昨據長麟  
奏已通過川省廣元縣境長麟咨會勒保派兵接  
辦伊卽帶兵前赴漢中業經降旨令額勒登保派  
委安員管領長麟原帶之兵以便該督馳回辦理  
地方及善後事宜額勒登保接奉後卽可遵照辦



理又昨據德楞泰奏已將賊匪逼過漢南所剩餘  
匪不過千餘人勢已殘敗向觀音河地方一帶游  
奕已責成劉之仁雒昂搜捕其拏獲首逆陳朝觀  
李順安之寨首等及洵陽縣嚴如煜亦已降旨加  
恩額勒登保自尚未接到此信其龍紹周股匪現  
據奏慶溥馬玉魁在入道河地方斃賊百餘人又  
板廟子等處尙有王姓晉姓等夥股出沒本年湖

北歲收豐稔難保該匪等不東竄掠食現在長齡  
明亮在陝楚之邊界額勒登保尤當飭令慶博等  
卽在陝境剿淨不可任其東趨又據奏額勒亨額  
及副護軍叅領長勝保吉林佐領德林保等俱係  
患病一時不能卽愈等語額勒亨額著准其回京  
調養其所領官兵卽著額勒登保酌派妥員接管  
長勝保德林保俱准其各回本任調治所有軍營

患病應行遣回之吉林兵丁卽令德林保帶回原處以示體卹

二十一日丙申陸有仁奏言查汧陽縣武振關等

聚衆抗官一案臣先據署寶雞縣李承道稟稱

訪聞縣屬匪徒楊生齊王延楊居等有與甘肅

靈臺縣人車舉鼎糾衆謀逆之事當經該縣帶

領壯勇將王延楊居立時擒獲並首逆楊生齊

及夥黨等二十五名因壯勇圍攻窑洞卽自行  
放火燒斃臣當卽飛提究辦彼時尙未知汧陽

亦有匪徒滋事之信旋接督臣長麟來札內稱  
汧陽有悄悄會武振關等謀逆經該縣祝大澄  
挑帶壯勇馳往先將首逆武振關擒獲該逆之  
子武克祥率衆搶奪藩司王文湧帶領鄉勇前  
往擒捕因衆寡不敵鄉勇間有傷亡隨經副將

蕭福祿帶兵趕到將該匪四面圍裹殲斃一千  
餘名滾崖跌斃者三四百人生擒一千二百九  
十餘人並無一名漏網臣彼時因鳳翔所屬雖  
聞有悄悄會名目而歷來安靜營生並無不法  
形迹卽現在謀逆尙在未行若云有應賊之事  
何以不於從前大股賊匪經過時往投而轉欲  
歸附冉逆奪服恐其中另有別情一面密札在

實難續委審辦之道員台斐音知府崇祿等密  
查稟覆嗣據先後覆稱武振關車舉鼎等實係  
謀逆於王文湧前往擒捕時曾殺傷鄉勇並搶  
去過山鳥五尊而於賊數實有若干蕭福祿兵  
到如何剿辦亦未能確鑒指出臣復留心密加  
訪查此案武振關車舉鼎聚衆抗官殺勇俱係  
實情卽該逆等到案時亦自認不諱惟聞當時

上山之人除糾邀夥黨外其餘並非盡屬會匪  
有本係良民猝被逼脅者有誰令赴山避賊因  
而強使人夥者迨蕭福祿帶兵趕到倉猝之際  
遂致多有駢誅然彼時斬擒跌斃之人實亦無  
二千七百之衆蕭福祿未免張大其詞長麟並  
未親赴該處一按此稟卽據以入

告旣經具奏自須一手辦理較爲盡一是以未經移

交<sup>臣</sup>處審訊此節次查明之實在情形也<sup>臣</sup>思

此案聚衆抗官本非虛假惟蕭福祿當帶領大  
兵攻圍武家半山之時若明白宣諭有能獻首  
逆及夥匪者免罪抑或於剿捕之際令被脅之  
人悉行伏地投首均可免死則所全者尙多乃  
因下手甚易概行殺戮殊覺過於張皇至其時  
冉逆一股賊匪長麟本未經追及因聞有汧陽



之事卽帶兵由鳳縣折回寶雞查辦屬實奏入  
上諭內閣曰前因長麟派令蕭福祿搜捕汧陽悄悄  
會一案辦理尙爲迅速是以降旨將長麟交部議  
敘蕭福祿照軍功例加三級朕因風聞長麟查辦  
此案多有不實尙未發行及細加訪查緣汧陽武  
振關等設立悄悄會名目聚衆謀逆該縣視大澄  
帶勇馳往將首逆武振關擒獲該逆之子武克祥

率衆搶奪藩司王文湧帶領鄉勇前往擒捕隨經  
蕭福祿帶兵趕到將該匪四面圍裹殲斃及生擒  
者二千數百人無一名漏網其中有本係良民及  
赴山避賊猝被逼脅入夥者蕭福祿因同聚山上  
槩事駢誅復張大其詞虛報邀功長麟卽據以入  
告旋一手辦結並未移交陸有仁審辦武振關等  
糾衆滋事竟敢搶奪獲犯殺傷鄉勇其謀逆已屬

顯然但該處民人避賊被脅者並非盡屬會匪彼時長麟若親身前往查辦自當明白宣諭該處民人令其縛獻首逆或自行投出則所全必多乃蕭福祿辦理粗率又復貪功遂至波及無辜駢首就戮若云長麟竟毫無聞見其誰信之總由蕭福祿係長麟素所倚任之人派令帶兵剿辦伊既鹵莽從事而長麟亦遂曲意包容並未將蕭福祿辦理

草率之處據實叅奏又復迴護前奏自行審辦完  
結幸長麟前次奏報此案時朕因蕭福祿誅戮過  
多恐有株累特降恩旨除將首逆武振關等家屬  
緣坐外其餘槩免緣坐旋聞此旨到陝宣讀時該  
省正在望雨立時普霈甘霖民情大槩可見朕施  
仁宥罪實爲上合

天心蕭福祿之草菅民命長麟之徇隱不奏豈可因其

殄除起事賊匪加之甄敘所有長麟加級紀錄之處著無庸給予蕭福祿除不准加級外著降爲叅將交與額勒登保軍營差遣委用以觀後效

同日陸有仁奏言竊照各路軍營臨陣解散及各處隨時逃出難民屢奉

恩旨妥爲安置原以解散賊黨撫輯善良

臣

節次欽

遵嚴飭各屬於難民到案時務須分別妥爲辦

理如新被裹脅旋即逃散實有家業可歸者酌給盤費路票護送寧家其無家可歸之人卽將查出叛產分撥安插王婦女老弱原本有家因相隔路遠必須闕查其屬承領者卽撥給房間或搭蓋棚厰按日給予口糧以俟領取數月以來各屬遵照辦理尙無錯悞乃臣接到德楞泰來札內稱前在白河縣屬之蔣家梁等處痛殲

賊匪生擒男婦九百餘名訊出被裹難民朱有  
如陳晏氏等三百餘名口當卽解交白河縣分  
別遞籍安插詎署白河縣知縣阿齡阿並未將  
收到難民實有若干距籍較遠者如何資送籍  
隸該縣者如何安插之處詳悉聲覆並風聞該  
縣書役等有將難民中婦女五十餘口各自分  
散之外餘皆鬻賣等情

臣接閱之下不勝駭異

正在嚴查究辦間適該署縣阿齡阿稟稱奉叅  
費大營發到難民男婦大小三百九名口除訊  
明有家業可歸之鄖縣洵陽安康等處難民二  
百餘人俱經酌給盤費僉差兵役護送各回原  
籍並籍隸縣屬之五十餘名當卽釋放寧家外  
此內有無籍難民男婦三十五名口已將男丁  
精壯者挑入署內充當水火夫其婦女無歸者



已在縣城擇人婚配等語

臣

閱之尤爲憤懣查

此等無知婦女一時被裹失迷該縣自應遵照  
節次札飭撥與房屋散給口糧以待其父母夫  
男尋覓承認卽或其家實無親屬日久無人承  
領應稟明上司酌籌妥頓乃該署縣竟槩令於  
本城婚配設其父母夫男尋至將復如何辦理  
兼恐該署縣實有縱容書役將婦女分散鬻賣

情事當此剿撫兼施喫緊之時凡屬難民尤應  
加意妥辦該署縣膽敢任意妄爲若不嚴行叅  
辦何以肅吏治而示創懲相應請

旨將署白河縣候補通判阿齡阿先行革職

臣

已一

面飛飭現在興安辦理結寨之候補道李翹馳  
往白河嚴查實在情形據實稟覆並令就近委  
員將阿齡阿押解漢中以憑嚴審定擬具奏奏

入

上諭內閣曰陸有仁叅奏辦理安插難民任意妄爲  
之知縣阿齡阿請旨革審所辦甚是陝省被賊地  
方無辜良民遭賊慘毒朕心已深憫惻其被裹難  
民不甘從賊或臨陣解散或隨時逃出正當設法  
收恤以散賊黨而輯善良曾經屢降諭旨令地方  
官妥籌安插況當此功屆垂成剿撫兼施之際尤

應加意經理毋令一人失所今署白河縣知縣阿齡阿接收叅贊大營發到難民將無籍可歸之精壯男丁等挑入署內充當水火夫或係暫時權宜辦理給與工食俾資餬口尙屬可行至無歸婦女一時被裹失迷自應酌撥房屋散給口糧以待其親屬承認卽實在日久無人承領亦應設法酌籌妥辦乃該署縣竟在本城擇人婚配實出情理之

外此等婦女於擇配後有伊親屬尋至又將如何  
辦理並恐該署縣實有縱容書役將婦女私行留  
用及分散鬻賣情事或竟知情分肥尤不可不嚴  
行究辦所有署白河縣知縣阿齡阿卽著革職交  
陸有仁切實嚴究如果該革令及書役等有私留  
婦女並通同得贖情事卽當一面奏聞一面在該  
處正法卽訊無此等情弊亦應將該革令及書役

等定擬具奏

臣等謹案易言神武不殺蓋聖人不得已而  
用兵惟一念好生之仁以主宰而網維所由  
返天和而感人速也我

皇上籌辦軍書

慈祥煦育尺一所頒

恩如燾冒特以餘氛未經淨洗歲積稍稽

惻念瘡痍刻縈

宵旰昨因額勒登保奏遣回吉林患病兵丁一節

諭及將士久役從征之苦衝鋒陷陣之不免傷亡

申誠帶兵大員速圖凱旋休暇至剿辦开陽會匪時

早蒙

聖明鑒宥免餘黨緣坐之罪

綸音降日甘澍隨霑今

勅查明確以蕭福祿誅戮過多立遷示罰而於署知

縣阿齡阿擅將難民婦女擇人婚配當奉

嚴旨褫職逮鞠仰見

仁心爲質時措咸宜

雷霆之教無非

雨露之恩矣



欽定剿平三省邪匪方略正編卷二百五十八

辛酉年

五月二十二日酉勒保奏言查湯思蛟劉朝選

辛聰等逆自與藍號王士虎餘黨合夥後分屯

萬古寺核桃壩一帶該處俱係深山老林路徑

叢雜該匪等或分數百人或百十人零星屯踞

綿延百餘里意圖牽綴我兵臣與七十五公同

酌定臣帶同阿哈保永寧等由蕭家河節節羅坪

一路進發七十五一路由葱子壩木旺坪進發

初五日

臣

於午後兵抵篩籬坪卽遇望哨賊匪

當卽趕緊追擊隨剿隨進賊匪人數較衆紛紛

拒敵我兵斃賊多名進抵火鑱埡將及酉刻遙

聞隔山鎗破之聲探係七十五由木旺坪一路

兜剿前來

臣

鼓勵兵勇奮力剿殺追近萬古寺

右邊山梁見七十五官兵已將左邊山梁搶佔

賊匪不能抵敵向後面大山翻越而逃該處係萬山之中時已昏黑難以窮追統計兩路殺賊五百餘名滾崖落澗者甚多生擒一百六十七名獲賊旗十三桿刀矛二百餘件騾馬三十四頭匹訊據活賊麻有才等供稱萬古寺之賊本係藍號王士虎餘黨王士萬後來湯思蛟劉朝選辛聰等由尖山壩逃來合夥又有從湖北竄

來之藍號李姓冉姓亦來會合分屯萬古寺核  
桃壩一帶內有戰手吳榮等五十九名當卽正  
法餘係被擄未久難民概行給票省釋連夜差  
探回報藍號賊匪王士萬並李姓冉姓由湯家  
壩桐油壩竄去白號湯思蛟劉朝選黃號辛聰  
向家當灣天坪奔逃並據防守大寧鹽場之遊  
擊劉貴朝都司沙念聖節次稟報又有楚省竄

來白號張姓股匪在香冲鐵瓦寺一帶滋擾有

窺伺大寧鹽場之勢臣查大寧鹽場人煙稠密

數年以來從未遭賊蹂躪刻下湯思蛟等逆距

香冲等處甚近勢必與張姓股匪合夥設或闌

入鹽場所關匪細當卽飭令阿哈保永寧等卽

由天坪一帶緊躡湯劉等逆前進臣督同侍衛

花品塔什拉副將倭星額等抽帶兵勇由大寧

鹽場一路率同劉貴朝等迎擊並令七十五卽由桐油壩烏龍溪追剿藍號匪衆

臣

於初七日

由鹽場行抵蛇條嶺卽有賊匪數百人前來探信經我兵趕上殺賊三十一名生擒十八名餘卽遁去我兵追至香冲適阿哈保永寧等帶兵亦從天坪追來該匪等見兩路有兵卽由鐵瓦寺廟埡子苦竹壩前竄

臣

督同阿哈保永寧等

連日冒雨緊躡初九日直抵徐家壩沿途逃出  
難民甚多殺賊一百八九十名生擒七十四名  
訊據獲賊劉仁貴等供稱湯思蛟等已與張姓  
合夥原要由鹽場下壩搶割麥子先派戰手五  
百人探信不想遇著官兵他們要從萬家坡核  
桃園到川楚沿邊老林藏躲餘無要供均即正  
法並接七十五知會由烏龍溪追抵龍灘河沿

途殺斃賊匪五六十人難民逃出一百餘人並  
稱探報藍號賊匪有由一碗泉竄往陝省茅壩  
之勢該提督已督兵緊追臣亦督同阿哈保永

寧等卽帶兵由徐家壩趕緊追擊以冀痛加剿  
洗至龍紹周股匪前據託雲泰稟報竄至後坪  
一帶近又據稟報龍逆剿散餘黨已向楚省老  
林遁去惟四月二十九日有賊匪一股攻撲南



溪叅將李芝榮營卡經該叅將督兵擊退斃賊  
十餘名生擒六名據獲賊周紹宋等供稱係苟  
姓股匪同藍號李姓等從湖北竄來在大寧境  
內分夥苟姓走平溪河來衝南溪營卡等因

臣

現已飛飭該鎮設法剿辦其川北一路近據通  
江廣元稟報各該境沿邊俱有陝省竄來剿散  
餘匪在彼滋擾

臣

亦飭候補道劉清督率地方

官策勵鄉團各勇實力截擊並飭沿江文武一體加意嚴防奏入

上命軍機大臣傳諭勒保曰湯思蛟等與王士虎餘黨合夥分屯萬古寺核桃壩一帶經勒保與七十五兩路截殺雖殲擒五六百人究未能擒獲首逆而湖北藍號李姓冉姓白號張姓賊匪又任其竄入川境與湯劉等逆合夥總緣辦理遲延所致從

前賊匪屯聚馬家營時賊勢尙少且困守在彼正  
可乘機殲洗乃屢次因循以致賊股又復竄合卽  
云彼時接據經畧額勒登保知會剿辦高馬等逆  
亦應另派鎮將前往協剿勒保何竟舍現辦之賊  
轉欲越境剿辦他股況又未能追及耶勒保在川  
帶兵時稱馳往川北時稱移師川東非止一次似  
此東奔西逐實屬心存恇怯故意耽延前此勒保

辦理犵苗甚屬奮迅及用爲總統剿辦教匪其奮  
勉已不如前至授爲經畧後惟知安坐達州竟毫  
無展布是以將伊革職治罪嗣經朕棄瑕錄用仍  
畀以四川總督帶兵剿賊原望其立功贖罪乃勒  
保有鑒於前此安坐獲咎僅以奔馳道路卽爲勉  
贖前愆不知往返徒勞於事何益此時川省築立  
堡寨俱極完密百姓各知固守賊匪無可掠食自

應日就解散何以本境湯劉等股未經剿淨復有  
楚省藍白等號乘間闖入總由賊匪時時探聽帶  
兵大員聲威素著者卽預行遠避其畏葸不前者  
賊亦肆無顧忌相率竄入朕屢閱勒保奏報均係  
敷衍浮詞卽知其庸懦無能訓飭不啻至再至三  
今竟至爲賊匪所輕咸思聚集川境苟延殘喘勒  
保尙不知愧勵耶現在薛大烈患病未愈德楞泰

一時亦不能來川勒保務當會同七十五將境內  
之賊於夏令一律肅清剿除淨盡勉之至通江廣  
元邊境有陝省竄來剿散餘匪勒保現飭劉清督  
勇截擊此股賊匪想卽係日前長麟所奏竄往川  
境之高見奇股匪該處既有劉清堵剿勒保不可  
又舍湯劉等逆去而他顧也

同日

上命軍機大臣傳諭各路帶兵大員曰各股竄匪中  
被裹良民實居大半此等良民一經裹脅卽被賊  
匪用繩拴縛髮辮並面刺蓮花以爲記號使之不  
能投出而抗拒官兵時又將良民逼令前敵至官  
兵剿捕賊匪祇期痛加殲戮自不暇分別良莠往  
往臨陣多有殲斃此雖倉猝之間死於官兵鋒鏑  
實賊匪逼令在前置之死地目前賊中首逆如徐

漆德冉學勝等犯罪大惡極必當按名殲擒至於  
秋脅夥黨久經明降諭旨明白曉示以伊等如能  
自行投出卽可免死若能縛獻首逆並立予職賞  
與其隨賊東奔西竄何不亟思變計圖功以邀恩  
賞卽如陝省殲擒王廷詔高二高三馬五等俱係  
微末弁兵及拏獲陳朝觀之寨首俱經帶兵大員  
據實奏明其姓名均能直達朕前從優陞賞斷無



冒名掩功之事所有被賊裹脅民人務宜及早解  
散一離賊夥卽係良民必不咎其既往著各路帶  
兵大員等將此旨刊刻謄黃遍貼曉諭或於鄉勇  
中擇其明白勇幹能入賊中者令持告示前往開  
導俾被逼脅者各知改悔或獻渠立功或去賊爲  
良庶可全活多人於剿捕更易歲事

二十五日

庚子

額勒登保奏言查冉學勝一股賊

匪竄向洞河之後連夜向斑鳩關南竄楊遇春  
等以該匪必仍由南路折而向東遂一面商令  
張鳳帶領將弁兵勇跟蹤追趕楊遇春札克塔  
爾格布舍率領大隊取道深水河向磚坪兼程  
抄截於初九日午後趕抵磚坪詎賊匪已於辰  
刻竄過該處楊遇春札克塔爾卽率馬步兵勇  
分路疾馳追趕二十餘里至蘭河魚兒壩一帶

追及賊匪該匪一見官兵向各山梁肆竄我軍  
分投追殺三十餘里共計殺賊一百數十人生  
擒四十一名獲有騾馬百餘匹兵勇於是日四  
鼓起營奔馳一日行程已有一百五六十里不  
能再進研訊獲賊內有僞先鋒王文元一名卽  
凌遲處死餘俱分別正法臣於十一日馳抵銀  
硃壩探報該匪已入平利地界楊遇春札克塔

爾等帶兵兼程追剿已到白土關一帶自不致

予賊以暇臣惟恐該匪等由平利闖入楚界卽

知會長齡明亮等於二竹邊界嚴密堵截臣抵

銀硃壩後適連日大雨山溝溪岔無不水漲人

馬俱阻臣暫行紮駐俟天氣稍晴水勢畧消卽

當進發至德楞泰所剿徐添德樊人傑股匪向

西北竄至五郎江口由金雞梁甘家偏直奔大

河口等處先經臣派往慶成帶領官兵由五郎

關一帶而進於初六七日探得賊匪竄蹤卽折

向湯坪河展龍埡截擊於兩河遇賊慶成帶領

遊擊吳亨衍催令兵勇等奮力趕剿斬獲二百

數十人賊仍折向東逃慶成帶領委叅領都爾

伯馬隊由捷徑抄出饒峯又與賊遇復斃賊一

百餘名該匪不能東奔遂向西折至良沁河德

楞泰又從三河口水田坪趕來該匪連夜向南遁至黛洋灘水淺之處跣過江之南岸慶成亦卽顧住洋縣平原從渭門過江初九日於寨溝追及賊匪斃賊三百餘名生擒四百餘名奪獲旗械甚多賊匪復欲折奔江北適德楞泰帶兵已從子午黛洋灘趕到併力痛殲所剩不過千人自西鄉堰口土地嶺等處向漁渡路竄去德

楞泰與慶成自必分路上緊剿辦以期生擒二  
逆殲盡餘匪其龍紹周一股竄踞八道河一帶  
老林慶溥等正在覓路進攻忽有高玉高文勝  
等八人來營稱係明亮處差探賊蹤之人欲於  
慶溥處充當鄉勇慶溥等察看形迹可疑再三  
隔別盤詰始據供稱高玉係賊營小頭目龍紹  
周差令帶領手下矛手七人假充鄉勇如官兵

收留可作內應攻撲營盤當將該犯等卽行正  
法慶溥喜明馬玉魁柯藩等於初六日各帶兵  
勇分路進攻斃賊二百餘名散出被擄難民一  
百餘人賊匪向白果坪逃遁現入平利境內又  
苟文明一股二千餘人由湖北至大寧太平從  
兩扇門沿河關入陝境現竄四季河紅巖寨麻  
柳十三場一帶老林又王惲賢及戴家營等股



現竄洵陽竹山交界至孫清元跟追之黃白二

號賊匪已過竹山向西奔竄現在長齡明亮等

帶兵在二竹顧住東面進剿是目下平利具爲

緊要

臣

擬卽趕緊前往督飭辦理並據安康縣

稟報尙有徐添德剿散餘匪四五百人在江之

北岸老樹嘴麻坪河一帶晝伏夜出

臣

踴探真

確卽派兵往剿德楞泰慶成等在西鄉一帶日

內若已將徐樊二逆撲滅則德楞泰卽由紫陽

安康前來與臣合力剿辦更爲得濟如或尙有

零匪疾竄徑入川界德楞泰仍應帶領原兵緊

迫入川務期掃除臣已詳悉札商德楞泰辦理

至長麟率同蕭福祿所剿高二餘匪追至峇陽

地方現在甘境並無賊匪沿途追殺屢有斬獲

該匪於初五六等日已入沔寧界內有南趨川

境之勢倘該匪潰竄入川川北現在無兵

臣

已

札飭蕭福祿酌帶官兵勇緊躡入川剿辦再

棧東寇家關黃柏園一帶僅有伍懷志一股殘

匪不過千人日內曾否掃除尙未據穆克登布

豐紳等報到復又飛札嚴催尅期辦竣勿少遷

延現在漢江南北兩岸寨落均已次第築成近

如洵陽之奇隆寨霍家寨安東寨石泉之饒峯

寨神護寨白河之三岔寨安康之吉成寨各紳士寨首均能率衆擊賊殲擒賊匪十數人至數人不等

臣

均發給銀牌令地方官酌加賞資以

示激勸民情更爲踴躍再查軍務將屆蕝功所有陝甘地方事宜以及善後諸務誠關緊要長麟所帶兵勇五千餘名自應酌派大員接管楊遇春剿辦冉逆股匪現在平利一帶相距較遠

慶成現在西鄉境內距沔縣甚近臣已飭慶成

卽赴長麟處將官兵接管如高見奇股匪尙在

沔畧一帶奔竄慶成卽當督率蕭福祿等帶兵

剿辦倘該匪已竄川境卽令蕭福祿帶兵追剿

臣

又因寧陝鎮安營設防等事必須妥速經理

卽札致長麟便道先往鎮寧一帶查察如同至

西安籌辦地方事宜仍可就近不時指撥以期

迅速完竣至高星額表行簡請於棧道設防一  
節目下棧東只有伍逆殘匪未經淨盡棧中酌  
設官兵則聲勢更可聯絡臣現已知會慶成卽  
於長麟所帶官兵內派出叅將韓自昌帶領官  
弁兵勇千餘名於廢邱關廟臺子適中之地駐  
劄以資扼截奏入

上命軍機大臣傳諭額勒登保曰據奏德楞泰追剿

徐樊二逆股匪及長麟所剿高二餘匪竄往寧河  
各情節俱經德楞泰等奏及至冉逆恐由平利闌  
入楚界知會長齡等於二竹邊界嚴密堵禦等語  
現據全保等奏到冉逆由洵陽金河等處老荒溝  
偷越入楚全保等分兵三路攔截殲斃五百餘名  
賊匪復分股竄往草鞋壩又經楊遇春札克塔爾  
截殺得有勝仗卽由原路向陝境奔逸楊遇春等

從關垵入洵陽地方擊剿想額勒登保尙未得有  
此信現在楚省官兵防堵嚴密再逆不能闌入湖  
北折向西南奔竄正是額勒登保帶兵來路迎頭  
截剿與楊遇春等成兩面夾擊之勢定可一鼓殲  
擒又據稱高二餘匪尙潰竄入川札飭總兵蕭福  
祿帶兵緊躡入川一節蕭福祿人本鹵莽恐難倚  
恃該員前此辦理洵陽一案誅戮失當已降爲叅



將此時若令入川又恐其因業經降調輒思冒昧邀功誤戕生命殊不放心及閱摺尾奏稱已令嚴成卽赴長麟軍營將官兵接管所辦甚是若該匪已竄川境未便卽令蕭福祿一人帶兵追躡額勒登保或另派誠實可信鎮將帶同蕭福祿入川較爲妥協現在冉學勝龍紹周苟文明王輜賢戴家營等股雖稱每股不過二三千人但合計則有萬

餘此內惟冉學勝最爲狹悍若能速就殲擒其餘  
股匪無難以次殄除勉之

同日全保長齡明亮奏言竊臣長齡督同孫清

元等向王家山遏防川陝竄匪途次據報山逆  
一股經額勒登保剿殺由洵陽之金河等處走  
老荒溝偷越入楚楊遇春札克塔爾已領兵抄  
至竹谿兜擊並准額勒登保德楞泰知會嚴堵

勿令深入臣全保兼程趕抵軍營公同熟商以

冉逆尙在二竹北面山內東南兩路腹地最關

緊要又探聞洵陽之金嶺子地方有賊匪數千

人在彼游奕難必其不踵向楚界奔突均須亟

集兵力從東南攔截當經臣全保長齡分帶孫

清元德昌等兩路官兵一由麻家渡一由北新

河兜住東南進剿十一日早臣明亮趕至秦家

坪正遇冉逆竄出當卽督催官兵接仗侍衛富  
翰等率奮勇兵勇在前該匪見人數無多輒佔  
踞山梁衝下數次我兵竭力搶上協領關成委  
叅領明安雙喜委章京五達色叅將德興等首  
先馳擊殺賊百餘人匪衆推滾木石正在喫緊

臣全保長齡督令德昌一路官兵從山後直攻  
賊背叅將富永曉騎校額爾金富順副將王懋

賞都司黑達色帶馬步隊在左總管都當阿副  
總管和隆武叅將黃定選遊擊胥泗起都司姜  
元祥守備韓瑛千總馬濟勝陳明等帶馬步隊

在右

臣

全保長齡飛飭德昌帶領員弁從上壓

下兩路官兵奮力夾剿殺斃賊匪四百餘名獲  
牛馬騾一百二十七頭匹刀矛旗幟五十餘件

賊匪亂竄山溝

臣

等飭兵分投邀截及臨陣擒

獲者共男婦一百三十五名口內張鳳輝等三十七名訊係正賊當卽正法高士傑王吳氏等五十九名口皆近處被裹者交寨首就近保釋其彭金烈韓李氏等三十九名口解交竹谿縣研訊辦理衆兵割獻耳級九十三副又據活賊王榮祿供稱此股係冉學勝爲首逃來楚境今日斃賊內有副元帥劉作初卽劉四掌櫃向在

賊中主謀當令認出首級查係千總會連鳳箭射倒地把總陳得華上前藏斃均極奮勉是夜該匪北竄復分股走草鞋垵牽綴官兵十三日又經楊遇春札克塔爾截殺得有勝仗擒斃多名卽走原路向陝境奔逸楊遇春等從關垵入洵陽地方擊剿但賊情詭譎加以往來不定仍須隨時相機堵截而洵陽金嶺子之賊尙在窺

伺邊隘自應乘勝迎赴北面界口併力遏防惟是平利地方既有苟逆自川繞至據守備鄧興相稟報該匪在鎮平一帶距西面河三十餘里而大寧地方又時有賊股北突或在西南思入竹谿或在正南思入房縣竹山地界是刻下兵力未便專顧北面一路致竹谿西南及房縣竹山正南地方空虛復令賊股乘間竄至

臣等就



賊勢地利酌分兵力商定

臣明亮就近趕回豐

溪一帶適中之地駐守以堵西南隅要隘其竹

山南面官渡至馬鬃嶺一路派副將朱士奉等

帶廣東兵六百名江西兵九百名前往防禦房

縣南面上龕至陰條嶺一路派副將樊雄楚等

帶江西兵一千五百名前往防禦

臣

全保長齡

統帶德昌所帶兩粵官兵二千餘名并孫清元

一路從吉陽關等處顧住東面向西北遏截仍  
隨時酌量或分或合務令冉逆不敢折回庶於  
現在情形分投嚴堵均收實效此次打仗惟五  
達色雙喜額爾金富順均受石傷不重兵勇間  
有傷亡另行查明咨部辦理奏入

上命軍機大臣傳諭吳熊光全保長齡曰冉逆一股  
最爲狡猾因被陝省官兵逼剿緊急由洵陽偷渡

入楚全保等卽分兵三路圍截賊擒賊匪五百餘  
名賊匪北竄復經楊遇春札克塔爾截殺賊匪卽  
由原路向陝西奔逸此係全保長齡明亮之功現  
在川省堡寨最爲堅固賊匪無從擄掠暴習不能  
存佳陝省地方經朕節次指示亦一律築堡已有  
成效惟湖北地方堡寨未能辦理齊全又兼姦收  
豐稔是以引陝各股剽敗之賊總思竄往楚境掠

食此時楚境防堵最關緊要現在全保長齡在吉  
陽關等處頭往東面向西北遏截明亮在豐溪一  
帶駐守專堵西南要隘其竹山房縣又派副將朱  
士奉樊雄楚等分投防堵布置尙爲嚴密計日內  
吳熊光諒亦早抵房縣務當彼此熟商督率防堵  
勿任賊匪一名闖入俾經畧等帶領勁兵併力截  
剿以期迅速成功所有戲斃僞元帥劉作和之手